



Crisis Theologica

Cárdenes, Juan de

Sevilla, 1687

Cap. IV. An in adulterio admittenda sit tertia species malitiæ contra
Sacramentum?

[urn:nbn:de:hbz:466:1-75689](#)

C A P V T IV.

*An in adulterio admittenda sit
tertia species malitiae con-
tra Sacramentum.*

SVMMARIVM.

*Quid significet matrimonium in lege
gratiae, quatenus est Sacramentum.
num. 43.*

*Fides matrimonij obligat ad hoc, quod
coniux reddat debitum, & quod
non adhaereat alteri. num. 44.*

*Et quomodo id constet ex verbis Christi
Domini. num. 45.*

*In illis verbis Christus elevavit ma-
trimonium ad essentiam Sacra-
menti. num. 46.*

*An adulterium fidelium includat spe-
ciem irreligiositatis. num. 47.*

*Conclusio affirmativa, & authores.
eius. num. 48.*

*Fides matrimonij specialiter obligat
ratione Sacramenti. num. 49.*

*Fides matrimonij fortius obligat ex
ratione Sacramenti, quam ex ra-
tione contritus. num. 50.*

*Matrimonium fidelium magis inse-
parabile est, quam matrimonium
infidetur. num. 52.*

*Inseparabilitas matrimonij excludit
etiam adhesionem carnalem ad al-
terum. num. 53.*

*Matrimonium, quatenus est Sacra-
mentum, excludit adhesionem ad al-
teram carnem. num. 54.*

Objectio solvitur. num. 56.

*Matrimonium, qua Sacramentum est,
exigit unitatem carnis. num. 57.*

*Item qua Sacramentum est, significat
unionem Christi cum Ecclesia, &
cum natura humana. num. 59.*

*Adulterium fidelis non habet speciem
sacrilegij, sed irreligiositatis. num.
60. & seqq.*

43. *P*ro claritate huius questionis
præmitto primo, matrimonio-
num tam ratum, quam consumma-
tum, in lege gratiae esse verum Sacra-
mentum, vt docet Fides Catholica;
& illud significare unionem Christi
D. cum Ecclesia iuxta id ad Ephes. 5.
*Sacramentum hoc magnum est, ego au-
tem dico, in Christo, & in Ecclesia.*
Cum hoc tamen discrimine, quod
matrimonium ratum, quia est ali-
quomodo dissolubile, sicut per pro-
fessionem Religiosam, significat
unionem Christi cum Ecclesia per
charitatem, quæ uno aliquomodo
est dissolubilis, non cum tota Eccle-
sia, sed cum singularibus qui possunt
amittere charitatem, scilicet per pec-
catum; matrimonium vero consumma-
tum, quod est omnino indissolu-
bile, significat unionem Christi cu[m] na-
tura humana per incarnationem; quæ
uno est omnino indissolubilis. Vide
P. Thomam Sanchez lib. 2. de ma-
trim. disp. 13.

44. Præmitto secundo, conve-
nire omnes Theologos in eo, quod Fides
matrimonij dicit duo, & quod
coniux teneatur reddere debitum suo
coniugi, & quod non possit adhae-
re carnaliter aliij. Item quod hæc Fides
matrimonij, vt includens hæc
duo, instituta, & promulgata est a
Christo D. cum maiori restrictione,
quam in lege veteri, in qua permitte-
batur libellus repudij; illis verbis
Math. 19. *Relinquit homo Patrem, &
matrem, & adhaerbit uxori sua, &
erunt duo in carne una. Itaque iam
non sunt duo, sed una caro. Quod er-
go Deus coniunxit, homo non sepa-
ret.*

45. Præmitto tertio, has tres
clausulas huius proximi textus, &
vnamquamque carum explicare, &
contingere præfatam fidem matrimo-
nij. Nam prima, quæ dicit, *Adhae-
bit uxori sua*, significat obligationem
red-

reddendi debitum vxori, & non adhærendi carnaliter alteri; nam qui accedit carnaliter alteri, non adhæret vnicē vxori suā. Secunda, quā dicitur, *Eruunt duo in carne una, clarus explicat utrumque; violari enim hanc obligationem servandi unitatem carnis, si coniux adulteretur, constat ex cap. 2. num. 14. Eadem fides matrimonij explicatur à Christo D. per tertiam clausulam. Quod ergo Deus coniunxit, homo non separet. Nam fit divisio, & separatio carnis, si vxor, quā D̄us huic viro coniunxit, ipsa se alteri luxuriose coniungat.*

46. Præmitto quarto, Christum Dominum elevasse matrimonium ad rationem, & essentiam Sacramenti, dum dixit eam sententiam proxime citatam Math. 19. Videatur P. Thom. Sanchez lib. 2. de matrimon. disp. 4. num. 5., & Authores ab eo relati.

47. His præmissis, inquirimus, an adulterium, præter speciem luxuriæ, & iniustitiae contra fidem matrimonij, includat tertiam aliam speciem irreligiositatis, ex eo quod matrimonium sit Sacramentum. Paucissimi sunt Doctores qui hanc quæstionem terigerunt, nam malori ex parte eam omittrunt, agentes de adulterio, quasi contenti invenire in illo rationem iniustitiae, contra fidem matrimonij. Sed tamen cum aliquos invenerim, qui afferant, adulterium habere malitiam contra rationem Sacramenti, etiam consentiente coniuge, nullum tamen invenire potui, qui id negaverit.

48. Sit conclusio. Adulterium coniugis fidelis continet malitiam irreligiositatis, ex eo quod matrimonium sit Sacramentum. Pro hac conclusione stant Lugo Card. tom. 1. de Iust. disp. 8. se et. num. 6. Ait enim, agens de adulterio: *Habet tamen*

malitiam specialem contra bonum sacramenti. Trullenches in Decal. præcep. 6. cap. 1. num. 2. Busenbaum Lugo. lib. 3. Sum. tract. 3. cap. 2. dub. 2. Reginaldus. num. 4, & videtur idem censere P. Reginaldus lib. 22. num. 24. dum ait: Per ipsum (adulterium) violatur coniugij fides, sanctitasque. Sanctitas enim coniugii est, quæ provenit à ratione Sacramenti.

49. Probatur primo. Fides matrimonij obligat, non solum ratione contractus, sed etiam ratione Sacramenti: sed hæc est duplex obligatio orta ex duplice titulo specificè diverso: ergo violatio utriusque obligationis (qualis violatio reperitur in adulterio) est duplex violatio specificè diversa. Hæc consequentia patet: tum quia violatio obligationis, quæ oritur ex duplice titulo specificè diverso, inducit duplē speciem malitiæ: sic enim si ad iejunium hodiernum concurrat votum, & præceptum Ecclesiæ, violatio eius habet duplē speciem malitiæ, quia obligatio oritur ex duplice titulo specificè diverso. Tum etiam, quia violatio obligationis, quæ opponitur duplice virtuti, inducit etiam duplē speciem, vt in exemplo allato iejunij; cuius violatio opponitur virtutibus abstinentiæ, & Religionis: ergo si adulterium est violatio obligationis ortæ ex duplice titulo specie diverso, continebit duplē speciem, nempe contra iustitiam, & contra Religionem Sacramenti. Minor etiam patet, si maior est vera.

50. Probatur ergo maior. Nam cum ambo coniuges habeant vinculum inseparabile, fortius, & strictius obligat hoc vinculum ex ratione Sacramenti, postquam ambo facti sunt vna caro, quā ex præscissa ratione contractus matrimonialis: sed hæc inseparabilitas producit obligationem servandi fidem matrimonij,

imò & videtur esse ipsa fides matrimonij: ergo hæc fides matrimonij non solum obligat ex ratione contractus, sed etiam ex ratione Sacramenti. Consequentia patet, & minor etiam constat: nam vt supra dixi, per ea verba, *Iam non sunt duo, sed una caro*, & per illa: *Quod ergo Deus coniunxit, homo non separat*; significatur ipsa fides matrimonij, qua coniux tenetur obligatione perpetua reddendi debitum, & non adhærendi carnaliter alteri.

51. Maior vero huius proximi syllogismi probatur primo ex S. Thom. in cap. 7. epistolæ ad Rom. lect. 1. ad ea verba Christi D. proxime relata, vbi ait: *Et hoc quidem inseparabilitas matrimonij præcipue causatur, in quantum est Sacramentum coniunctionis indissolubilis Christi, & Ecclesiæ, vel verbi, & humanae naturæ in persona Christi Ephes. 5. Sacramentum hoc magnum, &c.*

Ex quibus verbis constat, quod inseparabilitas vinculi matrimonialis (quæ vel est ipsa fides matrimonij, vel est titulus immediatus, ex quo oritur fides matrimonij) provenit, in quantum est Sacramentum; atque adeo ex ratione Sacramenti præcipue, & fortius, atque strictius oritur eiusmodi inseparabilitas.

52. Secundo probatur hæc eadem proximi syllogismi maior. Nam matrimonium, quod non est Sacramentum, scilicet matrimonium infidelium, est aliqua ratione dissoluble, & separabile, scilicet per conversionem unius ad fidem Catholicam; matrimonium autem, quod est Sacramentum, est omnino indissolubile, & inseparabile: ergo hæc inseparabilitas matrimonij, qua Sacramentum est, fortius, & strictius obligat, quam inseparabilitas, quæ provenit præscissé à contractu matrimoniali, qua tali.

53. Dices, hinc recte probari inseparabilitatem quoad vinculum ma-

trimoniale provenire à ratione Sacramenti; non vero quoad fidem matrimonij, quantum ad non adhærendum carnaliter alteri. Hæc tamen responsio caret fundamento: nam cum ratio Sacramenti consistat in ipso vinculo matrimoniali, vt expressit S. Thom. in S. Thom. 4. dist. 26. quæst. 2. art. 3. ad 2. ibi: *Actus exteriores, & verba exprimentia consensum directe faciunt nexum quædam, qui est Sacramentum matrimonij.* Et tenet P. Thom. Sanch. lib. 2. de Tho. matrim. disp. 1. nu. 6. cum multis alijs; attentis etiam ijs, quæ docet disput. 5. n. 7. Vinculum autem, quo unus coniux alligatus est alteri, non solum excludat solubilitatem, sed etiam divisionem unitatis carnis per adhæsionem carnalem ad alterum; necesse est quod ratione Sacramenti excludatur viratumque. Quod si iuxta opinionem aliorum dicatur, rationem Sacramenti consistere formaliter in contractu, non vero in vinculo, quod nascitur ex contractu; codem modo virget argumentum, cum ex contractu, qua Sacramentum est, oriatur vinculum inseparabile, quod excludit tam dissolutionem vinculi, quam violationem unitatis carnis; ipse contractus, qua Sacramentum est, erit titulus, ex quo oritur conclusio viriusque violationis; atque adeo ex ratione Sacramenti obligatur coniux ad non adhærendum carni alienæ.

54. Probatur secundo conclusio Matrimonium, quatenus est Sacramentum, dat gratiam coniugibus, vt contineant se intra fines matrimonij, & consequenter ne adhærent alteri carni, vt docet D. Thomas supra citatus, in hæc verba: *Nexum quædam, qui est Sacramentum matrimonij; & huiusmodi nexus, ex virtute divina institutionis, dispositive operatur ad gratiam: Sed Sacramentum, quod dat gratiam ad excludendum aliquid speciale peccatum, excludit tale pec-* ca-

catum, atque adeo obligat ad vita-
num tale peccatum; sic enim qui se
rebaptizat, irreligiose operatur cōtra
Sacramentum Baptismi, quia Baptis-
mus confert auxilia gratiae contrā
voluntatem iterandi Baptismum: er-
go matrimonium, quatenus est Sacra-
mentum, excludit peccatum adhæ-
rendi alteri carni. Violat ergo irreli-
giose legem ortam ex Sacramento
matrimonij coniux, qui adhæret alte-
ri carni.

55. Dices. Ergo qui accepit, ul-
tra Baptismum, Sacramentum Con-
firmationis, si deficit à Fide, non so-
lum committit crimen hæresis, sed
etiam irreligiositatis contra Sacra-
mentum Confirmationis; cum hoc
Sacramentum specialiter det auxilia
gratiæ ad retinendam fortitudinem
in defendenda fide; atque adeo ex-
cludat infidelitatem.

56. Respondeo, concedendo
consequētiā. Postulat enim Sacra-
mentum Confirmationis persistētiā
in Fide; ideo enim confert auxilia
gratiæ ad eam persistētiā; quia ex
institutione sua postulat talem persi-
tentiam.

57. Probatur tertio conclusio.
Sacramentum matrimonij, qua tale
Sacramentum est, exigit vnitatem
carnis, sive quod sint duo in carne
vna: ergo qui violat hanc vnitatem
carnis, peccat, contra exigentiam Sa-
cramenti. Sed adultera (idem est de
adultero) violat hanc vnitatem, ut su-
pra ostendi: ergo adultera peccat
contra exigentiam Sacramenti; atque
adeo irreligiose peccat.

58. Solum antecedens primum
eget probatione, quam sic instituo
primo. Nam Christus D. instituit Sa-
cramentum hoc, cum dixit: *Itaque
iam non sunt duo, sed una caro*, Math.
19. ergo Christus D. instituit hoc Sa-
cramentum super hac vnitatem carnis:
ergo Sacramentum hoc exigit istam

vnitatem carnis, tamquam funda-
mentum, super quo institutum est hoc
Sacramentum.

59. Probatur secundo idem an-
tecedens. Quia matrimonium, qua
Sacramentum est, significat vunionem
Christi cū Ecclesia per charitatem,
sive vunionem Christi cū natura hu-
mana per incarnationem, modo supra
explicato: sed hæc significatio istius
Sacramenti exigit hanc vnitatem car-
nis: ergo ipsum Sacramentum exigit
hanc vnitatem carnis.

60. Advertendum tamen est, me
non dixisse, adulterium continere spe-
ciem sacrilegij contra Sacramentum,
sed irreligiositatis. Et quidem quā-
vis omne sacrilegium sit irreligiositas;
non tamen omnis irreligiositas est sa-
crallegium. Nam, ut observat P. Sua-
rez tom. i de Relig. tract. 3. lib. 1. cap.
1. num. 1. Irreligiositas est conceptus
communis omnibus vitijs, quæ oppo-
nuntur Religioni; estque species subal-
terna, quæ continent sub se multas spe-
cies infimae Religioni oppositas, quæ
les sunt periurium, blasphemia, tenta-
tio Dei, &c.

61. Astero ergo, proprie, & stric-
te loquendo, adulterium non inclu-
dere speciem sacrilegij: quia sacrile-
giū est violatio rei sacrae; atqui adul-
terium non violat formaliter, & im-
mediate ipsum Sacramentum, sed so-
lum mediate, quatenus violat exigen-
tiam, & legem, quæ immediare oritur
ex ipso Sacramento. Hinc autem spe-
ciem peccati vocamus vocabulo com-
muni irreligiositatis, quia non habe-
mus vocabulum significans specificè
hanc malitiam: aliunde autem sufficiē-
ter limitatur ad speciem infimam,
dum dicimus esse irreligiositā-
tem contra Sacramentum
matrimonij.

D I.